

Tala Faaopopo o le Uluai Faaaliga na Faamatalaina e Iosefa Samita

Talafaasolopito, o se taimi o le Taumafanafana 1832



“Sa ou tagi atu i le Alii mo le alofa tunoa, aua sa leai se isi na mafai ona ou alu i ai e maua mai ai le alofa tunoa. Ma sa faafogaina e le Alii la’u tagi i le togavao, ma a’o i ai i le agaga o le valaau atu i le Alii, i le sefuluono o tausaga o lo’u olaga, sa alu ifo mai luga se malamalama faaniutu e sili atu i le pupula o le la i le aoauli, ma nofo i o’u luga. Sa faatumulia a’u i le agaga o le Atua ma sa tatala e le Alii ia le lagi i o’u luga ma sa ou vaai i le Alii.

“Ma na ia fetalai mai ia te a’u, e faapea, ‘Iosefa, lou atalii e, ua faamagaloina au agasala. Alu i ou ala, savali i a’u tulafono ma tausi i a’u poloaiga. Faauta, o a’u o le Alii o le mamalu. Sa faasatauroina au mo le lalolagi ina ia mafai ona maua e i latou uma o e talitonu mai i lou igoa le ola e faavavau. Faauta, o le taimi nei ua taoto le lalolagi i le agasala, ma ua leai se tasi o faia le lelei, e leai, e leai lava se tasi. Ua latou faasaga ese mai le talalelei ma ua le tausia a’u poloaiga. Ua latou faalatalata mai ia te a’u i o latou laugutu, a o o latou loto ua

mamao mai ia te a’u. Ma ua oso lo’u ita e faasaga i e nonofo i le lalolagi, ia asia i latou e tusa ma lo latou amioleaga ma ia faataunuu ai mea na tautalagia e fofoga o perofeta ma aposetolo. Aua faauta, e pei ona tusia e uiga ia te a’u, ou te vave sau, i ao, e ofu i le mamalu o lo’u Tama.

“Na faatumulia lo’u agaga i le fiafia, ma mo le tele o aso, na mafai ona ou olioli ma le fiafia tele.”

Apitalaaga, 9-11 Novema, 1835

“Sa ou faatoga atu i le Alii i le tatalo faatauanau. Na faaali mai se afi faaniutu i luga a’e o lo’u ulu. Sa nofo i ou luga ma faatumulia ai au i le olioli e le mafaamatalaina. Na faaali mai se peresona i le totonugalemu o lenei tau-lotoa’iga o le poutu o le apefai mumu, ua salalau solo ma mu, ae e leai se mea na faaleagaina. Na lei pine ae faaali mai se isi peresona e faapei o le na muamua. Sa ia fai mai ia te au, ‘Ua faamagaloina au agasala.’ Na ia molimau mai ia te a’u o Iesu Keriso o le Alo o le Atua. Ma sa ou vaai i le tele o agelu i lenei faaaliga vaai.”

“Talafaasolopito o le Ekalesia,” 1 Mati, 1842 (Tusi a Wentworth)

Sa ou alu atu ise nofoaga faalilolilo i se togavao ma amata ona valaau atu i le Alii. A o [o’u] auai ma le faatauanau i le olega, sa aveesea lo’u mafaufau mai mea na faapea ona siomia ai a’u, ma sa fusifusia au i se faaaliga faalelagi ma vaai i le mamalu o ni tagata e toalua e foliga tutusa lava i vaaiga, ma faatusa, ua siomia e se malamalama pupula lea na punitia le la i le aoauli. Sa laua fai mai ia te au o tapuaiga faalelotu uma ua talitonu i aoaoga faavae sese, ma e leai so latou na aloaia le Atua e faapea o lana ekalesia ma le malo. Ma sa faatonuina manino au e ‘aua le mulimuli atu ia te i latou,’ ma i le taimi lava lea na maua ai se folafolaga o le a faaalia mai ia te au le atoatoaga o le talalelei i se taimi o le lumanai.”

(“Tala a Iosefa Samita e uiga i le Uluai Faaaliga,” josephsmithpapers.org.)

